
5. stjórnarfundur Leiknar föstudaginn 20. janúar 2006, kl. 10 í húsnæði Fræðslumiðstöðvar atvinnulífsins að Grensásvegi 16a.

Mætt: Birna Gunnlaugsdóttir, Hulda Ólafsdóttir, Ingibjörg Elsa Guðmundsdóttir og Smári Haraldsson. Guðmundína Sæmundsdóttir boðaði forföll.

1. Fundargerð síðasta fundar var borin upp og samþykkt með minniháttar breytingum.

Samþykkt var að hafa þann hátt á ritun fundargerða að í fundargerðabók rituðu fundarmenn undir dagsetningu fundar, dagskrá og þau blaðsíðutöl sem viðeignandi fundargerð er færð á í tölvutæku formi. Síðan riti fundarmenn jafnframt undir tölvufærðu fundargerðina. Eitt blaðsíðutal gildir fyrir allar fundargerðir samtakanna.

2. Framkvæmdastjórafundur Norrænu fullorðinsfræðslusamtakanna og fulltrúa Eistrasaltsríkjanna, haldinn í Helsinki 10.-11. janúar.

Áður hafi verið samþykkt í tölvupósti að Birna Gunnlaugsdóttir sækti fundinn í forföllum formanns. Minnisblað vegna fundarins var lagt fram (fskj. 1), en megin efni hans var:

Demokratikonferense 2006.

Nordiska Demokratikonferensen verður haldin af Svíum í Stokkhólmi 30. nóv. og 1. des. 2006. Ráðstefnan er undirbúin í samvinnu við NVL-netið. Megin markmið hennar að hafa áhrif á umræðu um menntastefnu í fullorðinsfræðslu. Viðfangsefni hennar verður lýðræði í ýmsum myndum og tengsl þess við menntun. Auk margs annars var rætt með hvaða hætti best væri að kynna ráðstefnuna í hverju landi fyrir sig. Fulltrúi Íslands giskaði á, án ábyrgðar, að reikna mætti með um sex Íslendingum á hana.

DEMOS-ráðstefna í Helsingör 9.-10. feb. nk.

Á ráðstefnunni eða öllu heldur vinnufundinum / þankabankanum verður rætt um rannsóknir á lýðræði í fullorðinsfræðslu og hugmyndum verður safnað í sarp (tanke - tank) til nýtingar í stefnumótun og framkvæmd fullorðinsfræðslu. Reiknað er með að niðurstaðan verði hliðstæð þeirri sem birtist í ritlingnum *Gullnar töflur í grasi* fyrir 10 árum. Niðurstöðurnar nú verða teknar saman í svokallaða *Hvítu bók*, sem vonast er til að nýtist til framkvæmda innan fullorðinsfræðslunnar næstu árin eða áratugina.

Nordplus Voksen prógrammið.

Fundurinn samþykkti ályktun og bréf til stjórnar Nordplus Voksen þar sem fjallað er um góðan árangur af starfi NP og jafnframt lagðar til nýjar áherslur til enn frekari árangurs. (fskj. 2)

NVL (Nordiskt Nätverk för Vuxnas Lärande) var kynnt, en netið byggir á stefnu norrænu ráðherranefndarinnar um menntun og rannsóknir og áætlun stýrihóps um fullorðinsfræðslu. Norræna netinu er ætlað að vera fullorðinsfræðsluaðilum til stuðnings, fanga nýjar hugmyndir og eiga frumkvæði að nýjum verkefnum sem eru til þess fallin að vinna að á norrænum vettvangi. Í hverju landi starfar tengiliður á vegum þess, en það er vistað hjá Miðstöð um sveigjanlegt nám í Svíþjóð. Fræðslumiðstöð atvinnulífsins er tengiliður Íslands í netinu.

Antra Carlsen, framkvæmdastjóri NVL sagði frá megin áherslum á fyrsta starfsárs netsins. Eðli málsins samkvæmt var mikið efni unnið fyrir heimasíðuna, en þar er m.a. birt fréttabréf reglulega. Eitt slíkt verður jafnframt gefið út í pappíriformi. Þrír megin vinnuhópar eru starfandi innan NVL; um Validering/mat á námi, Qualitets sekring/Gæðamat og Tenke-tank/Þanka-banka um færni til framtíðar.

EAEA (European Association for the Education of Adults) og ICAE.

Sturla Bjerkaker (VOFO, Noregi) greindi var frá megn starfi EAEA. Samtökin starfa í tengslum við Evrópusambandið og er megin markmið þeirra að efla símenntun í Evrópu, þróa hagnýt verkefni og deila þekkingu og reynslu ólíkra þjóða. Sturla sagði m.a. frá nokkuð ólíkum áherslum þjóðanna í fullorðinsfræðslu. Nú eiga Norðurlöndin tvo fulltrúa í 12 manna stjórn samtakanna, þ.e. Noregur og Finnland. Kosið er til stjórnar á tveggja ára fresti og situr hver stjórnarmeðlimur að hámarki í 6 ár. Næsti aðalfundur samtakanna verður haldinn í Madrid 19. – 21. október nk. - Sturla greindi jafnframt frá starfi ICAE, sem eru evrópsk samtök um stuðning við þróunarlönd í menntamálum. Íslendingar eiga ekki aðild að þeim samtökum.

Á sérstökum fundi með framkvæmdastjórum fullorðinsfræðslusamtaka Eistrasaltsríkjanna var rætt um verkefni *4 learning seasons*, *JAVAL* og *Nordplus Nabo* og m.a. nauðsynlega endurnýjun í því síðast talda.

Að endingu var rætt að fundir framkvæmdastjóranna yrðu tvisvar sinnum á ári, annar með Nordisk generalsekretarar og hinn að auki með fulltrúum Eistrasaltsríkjanna þriggja. Ákveðið var að næsti fundur yrði á Íslandi í tengslum við NVL fundinn um mánaðarmótin ágúst-september 2006. Næsti fundur með fulltrúum Eistrasaltsríkjanna verði um miðjan janúar 2007. Nefnt var að æskilegt væri að starfsmenn fullorðinssamtakanna komi líka með á fundinn, s.s. einn frá hverju landi.

Í framhaldi af ákvörðun um næsta fund norræna samstarfsins á Íslandi var formanni falið að ræða við framkvæmdastjóra Menntar um að hvort stofnunin hefði starfsmanni á að skipa sem hægt væri að fá í hlutastarf við að sinna verkefnum Leikna Undirbúa þarf næsta framkvæmdastjórafund m.m.

Rætt að sækja um styrki til að standa straum af kostnaði við fund framkvæmdastjóra norrænu fullorðinsfræðslusamtakanna á Íslandi, s.s. frá fræðslusamtökum.

3. Auðkenni Leiknar

Nýjar útfærslur af auðkenni/lógói Leiknar voru kynntar og voru fundarmenn einhuga um val þess sem best þótti hæfa.

4. Ensk þýðing á heiti Leiknar

Fundarmenn voru sammála um að best hentaði þýðingin *Association for Adult Learning*, en hún er jafnframt einföld. Jafnframt var nefnt hvort íslenska heitið Samtök um fullorðinsfræðslu á Íslandi ætti e.t.v. betur við á íslensku, en Samtök fullorðinsfræðsluaðila á Íslandi.

5. Aðalfundur Leiknar í maí 2006

Eftir all nokkrar umræður var ákveðið að fundurinn skyldi haldinn í Reykjavík lokadaginn, fimmtudaginn 11. maí.

Töluvert var rætt um mögulegt form á fundinum s.s. tímasetningu, lengd, dagskrá og hugsanleg fræðsluerindi auk hefðbundinna liða aðalfundar. Ákvörðunum var frestað til næsta fundar.

6. Önnur mál

a) Smári sagði frá bréfi frá upplýsingafulltrúa EAEA – Evrópusamtaka fullorðinsfræðsluáðila þar sem óskað er eftir efni í fréttabréf samtakanna. (fskj. 3.)

Samþykkt að ekki væri tímabært að senda efni í fréttabréfið, en þegar er þar komið fram að Ísland sé einn að nýjustu aðilum samtakanna. Smári sagði jafnframt frá að árgjald að EAEA væri € 900 eða um 70.000 Ísl. kr.

b) Umræður voru um reglur um aðild að Leikn og einhugur um að draga þyrfti upp skýrar línur þar um og þá ekki síðar en á aðalfundi.

Verkefni framundan:

Fram kom að vel flest verkefni síðustu fjögurra funda höfðu þegar verið afgreidd, en eftir standa og við hafa bæst eftirtalin verkefni:

- Að sækjast enn frekar eftir fundi með menntamálaráðherra þars sem Leikn verði kynnt sem megin hagsmunasamtök íslenskra fullorðinsfræðslu.
- Að rætt verði við framkvæmdastjóra Menntar um möguleika á starfsmanni þaðan í hlutastarf til að sinna tilteknum verkefnum fyrir Leikn.
- Framundan er að ræða um reglur varðandi aðild að Leikn.
- Að sótt verði um styrki frá fullorðinsfræðslusamtökum til að standa straum af kostnaði við fund framkvæmdastjóra norrænu fullorðinsfræðslusamtakanna á Íslandi.
- Að huga að vefsíðugerð fyrir samtökin.

Næsti fundur stjórnar var ákveðinn um miðjan febrúar næstkomandi.

Fundi slitið kl. 12:00

Birna Gunnlaugsdóttir ritaði fundargerð